

Aja Sofija


Aja Sofija (*Sveta Sofija*) bila je najveća crkva^[1] u Bizantijskom Carstvu, prijašnjem Istočnom Rimskom Carstvu. Sagrađena u doba cara Justinijana I u Carigradu. Aja Sofija je jedno od najvećih graditeljskih dostignuća tog vremena. Prva crkva na tom mjestu, koju je započeo car Konstantin, bila je razrušena usred pobune 532. godine, kada je Justinijan zamalo izgubio prijestolje. Ali on nastavlja s gradnjom na istom mjestu. Ponovno je izgrađena za samo pet godina (537.)^{[2][3]} i odmah je dostigla svjetsku slavu. Gradili su je Antemije iz Trala i Izidor iz Mileta. Nakon osmanlijske pobjede 1453. crkva je pretvorena u džamiju, a izvana su izgrađena četiri minareta. Mozaici koji su postojali u crkvi su prekrećeni. Aja Sofija je prva kupola na pandantivima, koja je bila izgrađena do tog razmjera, pa je zato od velikog značenja za sve bizantske građevine, kao i kasnije one na zapadu. Aja Sofija je 1935. godine pretvorena u muzej. Turski predsjednik Recep Tayyip Erdoğan je 10. jula 2020. godine reklasifikovao Aja Sofiju kao džamiju, a u petak 24. jula 2020. je zakazana prva molitva.



Aja Sofija

Aja Sofija u brojkama

Na njoj izgradnji radilo je preko 10000 radnika pet godina (532-537). Njena unutrašnjost je 70 x 75 metara. Četiri ogromna stuba nose kupolu prečnika 32 metra na visini od 65 metara.



Presjek originalne arhitekture Aja Sofije

Također pogledajte

- Bizantijska umjetnost

Reference

- "Aja Sofija - muzej ili džamija" (<http://balkans.aljazeera.net/vijesti/aja-sofija-muzej-ili-dzamiya>). *Al Jazeera Balkans*. 2013-12-21. Pristupljeno 2018-07-05.
- "Arheološki portal - Arheologija i legende: Aja Sofija" (<https://web.archive.org/web/20151215090750/http://arheon.org/legende-aje-sofije/>). *arheon.org* (jezik: engleski). Arhivirano s originala (<http://arheon.org/legende-aje-sofije/>), 15. 12. 2015. Pristupljeno 2018-07-05.
- "Hagia Sophia | History, Facts, & Significance" (<https://www.britannica.com/topic/Hagia-Sophia>). *Encyclopedia Britannica* (jezik: engleski). Pristupljeno 2018-07-05.



Commons ima datoteke na temu: **Aja Sofija** (https://commons.wikimedia.org/wiki/Category:Hagia_Sophia?uselang=bs)

Ova stranica je posljednji put izmijenjena na datum 16 juli 2020 u 19:01.

Tekst je dostupan pod [slobodnom licencom Autorstvo-Dijeliti](#) pod istim uvjetima; mogu se primijeniti i dodatni uvjeti. Korištenjem ovog sajta slažete se s [uvjetima korištenja](#) i [pravilima o privatnosti](#). Wikipedia® je zaštitni znak neprofitne organizacije [Wikimedia Foundation, Inc.](#)